

書



鼎 訾媿開門鶴鳴彈冠文章進用舞韶和鸞三仁翼政國先

災殃

震 遊寬天子百木所起三男從父三女隨母至已而處各得

其所

艮 兩山南蒞使使使君媚嬪好皇女長婦多孫衆子

漸 黃虹之野賢君所在榮段為相國无災殃

歸 妹穿鑿道路為君除舍開闢福門喜在我隣

豐 商風敷起天下昏晦旱魃為虐七九凡九作

旅 自衛歸天魯時不我與冰炭異室仁道閉塞

巽 春陽生草夏長條枝萬物蕃滋克實益有

兌 六蛇奔走奔入茂草驚於長住注畏懼嗷口

渙 明日照夜使暗為晝國有仁賢君尊於故關

原本空文



節避地東走及入虎口制於爪牙骨為灰土  
中孚頌迭不行弱起善僵孟繁元良失其寵光  
小過十年俱見黃頭為首歲尾民安國樂无咎  
既濟望風入門來到我隣鋪吾養均  
未濟登高連返視失彌遠虎口不張害賊消亡

革之第四十九

革 馬<sup>駟</sup>長股宜行善市皆蒙福佑獲金玉倍  
乾 高原峻山陟<sup>陟</sup>太<sup>土</sup>少泉草木林麓嘉得所蓄  
坤 一門二關結<sup>結</sup>頭不便峻道異路日暮不到  
屯 憂患解除喜至慶來坐立懽門與樂為隣  
蒙 踈類異路心不相慕牝中牡假鰥无室家  
需 太王為父王季孝友文武聖明仁政興起旦隆四國載福

綏厚

訟 臨河求鯉燕婉笑<sup>失</sup>弭<sup>解</sup>屏氣攝息不得鯉子  
師 買利求福莫如南國仁德所在金玉為寶  
比 白虎赤憤闕觀王庭宮闕被甲大小出征天下煩憤<sup>育</sup>育不  
能嬰

小畜子車鍼虎善人危殆黃鳥悲鳴傷國无輔

履 兩目失明入暮无先<sup>光</sup>脛足跛步不可以行頓於丘傍

泰 羅網四張鳥无所翔伐征困極飢窮不食<sup>勞</sup>勞又

否 伯夷叔齊貞廉之師以德防患憂禍不存<sup>比</sup>比之現

同人 疾貧望幸使伯行敗開牢擇羊多得大牂<sup>比</sup>比之坎

大有 南山之楊其葉<sup>華</sup>錚錚嘉樂君子為國寵光  
謙 東壁餘光數暗不明主母嫉妬亂我事業



豫 迷行晨夜道多湛露濡襦袴重不可涉

隨 目矐足動嘉喜有頃舉家蒙寵

盡 鷹鷄欲食雉兔困急延頸見尾為我所賊

臨 鼻移在項枯葉傷生下楮上榮家擾不寧失其金城

觀 飛不遠去汝為內傷祿養未富終先災咎君善安止

噬 嗑倒基敗管重舌作凶被髮長夜迷亂相誤深亡吉居

賁 亥午相錯敗亂緒業民不得作

剝 野虞畏人俱入山谷命短不長為虎所得死於牙腹

復 秋冬探巢不得鵲鷦銜指北去愧我少姬觀之

无妄 雙鳧俱飛欲歸稻池經沙舊澤為矢所射傷我胸臆成履

大畜 天門開闢宇戶寥廓桎梏解脫拘囚縱釋小畜之泰

頤 尼父孔丘善釣鯉魚羅網一舉得獲萬頭富我家居漸之

大過 彭生為妖暴龍作災次堯衣裳聚跖荷丘青禽照夜三日

夷亡

坎 華言風語亂相狂誤終无凶事安寧如故成之

離 運頸見足身困各辱欲隱避仇為害所滅成之

咸 无足斷跟居處不安凶惡為殘者臣相得一作君臣得安

與上大相蒙堪

恒 三人俱行北求天祥孟長病足借李負粮柳下之貞不失

驪黃我糧

遯 退飛見祥傷敗毀隊守小失大功名不遂

大壯 持心懼怒善搖數動不安其處散渙府藏利得无有

晉 牽尾不前逆理失臣怒辯以奔

明夷 祿如周公建國洛東父子俱封



家人有八人信允篤敏為堯所舉

睽 夕陰霖雨泥塗行潦商人休上市空无有

蹇 死足斷環居處不安凶惡為殘天過

解 馬蹄躑車婦惡破家精蠅汚白藜子離居

損 尊尊所言莫如我垣觀善堅固可以長安尊尊又乾之師大

益 懿公淺愚不受深謀无援失國為狄所滅

夫 驥驥綠耳障明造父風伯所獻襄纘厥緒佐文成伯為晉

元輔

姤 駕車十里求鮮魴鯉非其肆居自今後市

萃 求廉嘉鄉惡地不行道止中還復還其牀

升 使鳩負裝醉臥道傍不知何公竊我衣囊

困 登崑崙入天門過糟丘宿玉泉問惠歡見歌君比之姤 震之萃

井 水為天本患厭不起季伯夜行與善相逢

鼎 烏孫氏女深自黑醜嗜欲不同過时无耦

震 子鉏執麟春秋作元陰聖將終尼父悲心豫之大有

艮 灼火泉源釣魴山巔魚不可得火不肯燃鼎之

漸 天馬五道炎火久處往來上下作文約已衣象絲麻相隨

笑歌凶惡如何

歸妹 鴉鴉破斧冲人危殆賴其忠德輔禍為福危傾復立否之

豐 牝飛闔啓憂患大解不為身禍

旅 石門晨開荷蕢食貧遜世隱居竟不逢時

巽 兔聚東廓眾犬俱獵園缺不成无所能獲

兌 三羊群走雉兔驚駭非所畏惧自令劳苦

渙 羽翮病傷无以為強宋公德薄敗於水泓



節 姬姜雅叔三人耦食論仁儀福以安王室  
中孚精誠所在神人為輔德教亡患中彌世長久三聖乃仍事興多受

福祉

小過岐周海隅獨樂不憂可以避難全身保財  
既濟孤獨特處莫為依輔心勞志苦  
未濟顧望登臺意常欲逃買辛醜惡妻不安夫

鼎之第五十

鼎 積德之君仁政且溫伊呂股肱國富民安  
乾 傾筐卷耳憂不能傷心思古人悲慕失母  
坤 卻叔曾貸行祿多悔利无所得  
屯 蹶足狂跛不行捐捐平人名字无中  
蒙 文王四乳仁愛篤厚子畜十男夭折无有

需 容民畜眾不離其君

訟 三雛相逐蠅墜釜中灌沸渣渣與母長決

師 所望在外非今方來拭爵滌滌嬰炊食待之不為季憂

比 陸居少泉高山无雲車行千里塗汚爾輪亦為我患

小畜東家殺牛汚鼻腥臊神背西顧命絕衰周亳社災燒宋人

夷誅

履 長子入獄婦饋母哭霜降旬日嚮悔伏法

泰 温山松柏常茂不落鳳凰以死得其歡樂

否 大屋之下朝多君子德施博育宋受其福

同人羅張目列圍缺缺採捕无功魚鳥得脫

大有羔裘豹衣高易我字君子維好至者无憂

謙 大頭明自載受福喜三雀飛來與祿相得



豫 消鋒鑄鑄刃縱牛牧馬甲兵解散夫婦相保同音

隨 吉月車攻田戈日舉鈞雙禽宣王飲酒以告嘉功

盡 商人行旅資无所有貪具逐利留連玉市帛取輾輾內安君子

何咎

臨 火入井井場谷揚口陽芒生角犯歷天門闕見太微登上玉牀家易

其公

觀 秋隼冬翔數被嚴霜申兵允庭萬物不生雄父夜鳴民擾

大驚

噬嗑 東行西步失其次舍乾喉野井昭君喪居

賁 腫脛病腹陷則汚辱命短時極孤子哀哭

剝 切膚近災虎絕我鬚復小人橫暴君子何災

復 女室作毒為我心疾和弗能治晉人赴吉

无妄 兵征大宛北出玉門與胡寇戰平城道西七月絕無糧身幾

不全

大畜 九子夫九莫適與居貞心不宣壹自令老至今名孤

頤 車行稻麥遂至家國樂土无災君子何憂

大過 作室山根所以為安一夕崩巔破我饗食

坎 六人俱行各遺其囊黃鵠失珠无以為明

離 伯蹇叔育莫為守裝失我衣裘我是陰邦

咸 褒寵溢尤敗政傾家覆我宗國秦滅周室

恒 詭言譯語仇禍相得水入晏室消滅不息

遯 彭生為妖暴龍作灾盜堯衣裳聚路荷兵青禽照衣夜三日

夷亡

大壯 朝暮露白日日月四馬過隙歲短期促時難再得



晉 耳闕道喪衰所為不成事所求匪得

明夷申公患楚危不自安重耳出奔側喪其鬼  
家人南上泰山困於室桑左沙右石牛馬无食

睽 海隅潦右福祿所在柔嘉義禮九夷何咎  
陽春生長萬物茂壯垂秋布葉君子比德

解 低頭竊視有所畏避行作不利酒酸魚敗眾莫貪嗜  
左輔右弼金玉滿堂常盈不亡富如厥倉師之

益 坐朝乘軒據德宰民虞叔受命六合和親  
東行西走喪其犬馬南求驂騑失車林下

姤 砥德礪林果當成周拜受大命封為齊侯  
西逢王母慈我九子相對歡喜王孫萬戶家家福祉

井 萃 安坐王床聽韶行觴飲福萬歲日壽无疆

困 登高望王家役事未休王事靡盬不得逍遙  
擊鼓陷陔不得相踰章甫文德福厭禍消

革 追亡逐北呼還幼叔至止而德復歸其室  
老猾大偷東行盜珠國於噬教幾不得去

震 良 禹召諸神南山會稽執玉萬國天下康安始之  
漸 切切怛怛如將不和和睦之思靈輒以存獲生保年蒙之

歸 妹 侯叔興起季子富有照臨楚國蠻荆是安  
豐 白馬駮駟更生不休富我商人利得如丘

旅 灼火泉源釣魴山巔魚不可得火不肯燃革之艮  
巽 避患東西反入禍門糟糠不足憂動我心

兌 我王多寵商人惶恐生其禍心使我危殆終无災咎  
渙 虎飢歎食見蜃而伏禹通龍門避咎除禍无醜以安



節安民呼池王極大按泉如白蜜一挹色獲願  
中孚雙鳧鸞鴛相隨群行南至饒澤食魚與梁君子樂長作澤  
小過蒸侯朝楚留連江渚踰時歷月思其君后  
既濟膠車駕東與雨相逢五穀解隨頓抗獨坐憂為身禍  
未濟螟虫為賊害我稼穡盡禾單麥秋无所得同人之節  
豫之謙

震之第五十一

震枯瓠不朽利以濟舟渡踰江海无有溺憂

乾陷塗溺水火燒我履憂患重累

坤旦生夕死名曰嬰鬼不可得視小畜

屯揚水潛鑿使石潔白衣素表珠遊戲泉澤得君所願心志

娛樂

蒙衆鳥所鄰呼有大恠九身无頭竟驚馬鬼去不可以居

需刑根枯株不生肌膚病在於心日以焦枯

訟府藏之富王以賑貧捕魚河海筭網多得

師一莖九纒更用牽孿安明俯仰不得東西讚請誠報當映日干

被刑

比耄老鮑背齒牙動搖近地遠天下入黃泉

小畜羊蛇叔虎野心善怒續貨无厭以滅其身

履訝疑八子更相欺給管叔善政不見邪期

泰絆伴逃不遠心與言反尼丘顧家茅簷朱華

否蟬蟬戴盆不能上山搖推跋跛頓傷其顏

同人朝露不久為恩惠少膏潤欲盡處在枯槁

大有河伯之功九州攸同載祀六百光烈无窮

謙三人北行大見光明道逢淑女與我驥子



豫 金精耀怒帶劍過午徘徊高庫宿於木下兩虎相距弓弩

滿野

隨 江河淮海天之奧府衆利所聚可以富有安樂好喜友無憂

盡 不虞之患禍至此門奄忽暴卒病傷我心

臨 畫龍頭角文章未成甘言美語說譚音之益無名

觀 缺破不成胎卵不生不見非刑

噬嗑旁行不遠三里反覆心多畏惡日中止舍

賁 四瀆不安兵革為患探我妻子家復飢寒

剝 喜來如雲舉家蒙歡衆財君子嘉福豐盈門

復 載金販狗利弃我走藏匿淵底折悔為怨

无妄日中為市各抱所有交易貨賄函珠為寶心悅歡喜

大畜日趨月步周遍次舍經歷致遠无有難處

頤 陽明失時陰凝為憂主君哀泣喪其元侯

大過年衰歲暮精竟游去形容稍枯哀子相呼

坎 少无功績老困失福跌行徒倚不知所立

離 持心耀日善數挫動自東徂西不安其處渙散府藏无有

利得

咸 賁具賈狸不聽我辭擊於虎鬚牽不得來需睽否革同人否隨師

恒 老狼白獺長尾大胡荀頭後躡無利得岐人悅喜

遯 背地相憎心志不同如火與金君猛臣懼虎行免伏

大壯夏臺姜里湯文厄處鬼侯歎醯岐人悅喜

晉 牙孽生齒螳螂啓戶幽人利貞鼓翼起舞

明夷烈女无夫閔思苦憂齊子无良使我心愁

家人踐履危難脫厄去患入福喜門見悔大君



睽 折臂接手不能進酒祈祀祀閑曠神怒不弗喜  
蹇 蟻封戶穴大雨將集鵲數起鳴牝鷄嘆室和薨雄文來到

在道

解 胡俗戎狄太陰所積涸洩冰沍寒君子不存  
損 翁翁鞫鞫稍頽崩顛滅其令名身不得全  
益 災虫為賊害我稼穡盡禾殫麥秋无所得  
夫 三鳥飛來自我逢時俱行先至多得大利  
始 龍馬上山絕无水泉喉唇焦乾渴不可言  
萃 春生子乳萬物蕃熾君子所集禍災不至  
升 王孫季子相與為文明允篤誠升擢薦舉同人之小過  
困 六明並照政入有統秦楚戰國民受其咎  
井 蠧蝻克側佞人所惑女謁橫行正道雍塞

華 登崑崙入天門過糟丘高玉泉問惠歡見欣比之垢華之困  
鼎 體重飛難未能越關不離空垣上下墟塞心不遑安  
艮 玄黃虺隤行者旁罷役夫憔悴踰時得歸乾之革師之臨  
漸 孔德如玉出於幽谷飛上高木鼓其羽翼輝光照國同人之坎  
歸 妹火雖熾在吾後冠雖衆在吾右身安吉不危殆  
豐 旃裘羶國文禮不飾跨馬控弦伐我郤邑豫之需  
旅 被髮八十暮德獻服邊鄙不聳以安王國  
巽 心得所好口常欲咲公孫蛾眉鷄鳴樂夜  
兌 馬西負乘見邑之野并獲梁稻喜悅无咎  
渙 高飛視下貪饕所在腐臭為患室孫躬身  
節 東行西步失其次舍乾悞野井昭君裘居鼎之噬噬  
中 孚神鳥五彩鳳凰為主集於山谷使年歲有



小過石門晨闌荷貴疾貧道世隱居竟不逢時革之  
既濟齒齟齬齧貧鬼相責无有懼怡一日九結  
未濟白日揚光雷車避藏雲雨不行爲止其鄉

艮之第五十二

艮 君孤獨處單弱无輔名曰困苦輔心湧泉碌碌如山

乾 憂驚已深不爲災安全以來

坤 穿匏挹水構鏗熒火勞疲力竭飢渴爲禍

屯 蹇牛折角不能載粟災害不避年歲无穀

蒙 邑將爲墟居之憂危

需 根別樹殘花葉落去卒逢火火隨風僵仆

訟 元后貪欲窮極民力執政乖爲夷所覆

師 北山有黍使叔壽考東嶺多粟宜行賈市陸梁雉雉所至

利喜

比 高原峻山陸土少棘草林鹿嘉禾所熒

小畜 辰次降婁王駕巡行廣施德惠國安无憂

履 鞣鞣輻輳歲暮偏弊寵名復弃君衰於位

泰 放衙委轡奔亂不制法度无常君失其位

否 獨登西垣莫與咲言秋風移哀使我心悲

同人 脛急股孿木可出門幕速群旅必爲身患

大有 情偽難知使我偏頗小人在位雖聖何益

謙 黍稷醇醲敬奉山宗神嗜飲食甘雨嘉祥庶物蕃茂降特无

災咎獨蒙福祉

豫 公子王孫把彈攝丸發輒有獲室家饒足

隨 陰升陽伏舜失其室无赤子相饒不食



蠱 七竅龍身造易八无法天則地順時施恩引和貴長以富

求存

臨 逐狐東山水過我前深不可涉失利後便始之吳漸之

觀 御命辱使不堪其事中隊落去更為負載

噬嗑 温仁君子忠孝所在入閨為儀禍從不起

賁 春多膏澤夏潤優渥稼穡成熟數獲百斛師行以律霸功

不遠

剝 二女固室心不聊食首髮如蓬憂常在中

復 築闕石顛立本泉源病疾不安老狐為隣

无妄 欲避凶門反與禍隣顛覆不制痛薰我心

大畜 蹶行竊視有所畏避狸首伏藏以夜為利

頤 人面九口長舌為斧斷破琉璃連般商絕後

大過 和氣相薄膏澤津液生我嘉穀

坎 消金鑄兵雷車不行民安其鄉

離 秦儀機言解其國患一說燕不齊相以權周公與

咸 且爽輔匡周德孔明越裳獻雉萬國咸寧

恒 弱足則跟不利出門賈帝无過折亡為患

遯 豎冰黃鳥常哀悲愁不見其粒但觀藜藿高數驚鷲鳥為我

心憂乾之噬嗑 益之大過

大壯 寬微憊憊屬續聽絕豁然大通復更生活

晉 陰生麋鹿鼠舞鬼谷靈龜陸處云靈鼠陸釜鼈草土人

明夷 欽諸攻玉无不穿鑿龍體吾舉魯班為輔舞鳳成形德象

君子



家人山作天特陸為海口民不安處

睽東風啓戶隱伏懼喜萌庶蒙恩復得我子

蹇華燈百杖植暗衰微精光欲盡命如灰

解三十无室寄宿桑中止官長女不得樂同使我失期

根卯與石闕糜碎无處勤而有悔出不得時

益秦兵爭強失其貞良敗我殺鄉

夫虐除善疑難為攻醫驥窮隨軍困於街御

始操筒搏狸荷射射魚非其器用自令心勞

萃葵立之盟獻晉會見太宰辭後秦還興

升臆詐龐子夷竈書木伏兵率發矢至如雨魏師驚亂將獲

為虜涓死樹下

困南行出城世得天福王姬歸齊賴其所欲以安邦國

升冬采薇蘭地凍堅難雖利奔走暮无所得室北堅

莘王喬无病狗頭不痛亡破失履之我欲送從

鼎宛馬疾步育師坐御自不見路中雷弗到

震求我難國亡去我北憂歸其城反為我賊

漸比目四翼安我邦國上下无思為我嘉福

婦妹八材既登以成嘉功龍降庭堅國无災凶

豐稍弊穿空家莫為宗奴婢逸走于西父東為身作凶

旅鳥舞國城邑懼卒驚仁德不脩為下所傾

巽五穀不熟民苦困急駕之南國嘉樂有得

允黃裳建元病得在身福祐洋溢封為齊君買市无門富貴

多珍

渙齊東郭廬嬪於洛都駿良美好利得萬倍



節 安床厚褥不得失宿弃我嘉宴困於南國投杼之憂不成

禍災

中孚內崩身傷中亂无恒常雖有美粟不我得食  
小過出門逢患與禍為怨更有相擊刺傷我指端  
既濟出入節持南北无憂行者即至在外歸來  
未濟公孫駕成遊東齊延陵故產違季紵衣

漸之第五十三

漸 別離散長子從軍稚叔就賊寡塞老獨安莫為種瓜  
坤 豹飛門啟憂患大解不為身視  
屯 東山西山各自止安雖相登望竟未同堂始之神良  
蒙 衆鳥所翔中有大恠九身无頭龜鶴鳧去不可以居震之

需 交侵如亂民无聊賴追我濟西狄人硬被彈

訟 麟鳳所翔國无咎缺賈市十倍復歸惠鄉

師 擊井求玉非卞氏宅身困名辱勞无所得

比 文山鴻豹肥脂多脂王孫獲願載福魏魏

小畜周成之隆刑措除凶太宰費祜君子作仁

履 珪璧琮璋執贄見王百里寧戚應聘齊秦需之升 否之訟

泰 穿空漏弊破杼殘鈇陶弗能治瓦甃不鑿

否 鴻飛循陸公出不復伯氏客宿損之

同人 蝦蟇群聚從天請雨雲雷運集應時輒下得其所坎大過之升

大有 先弱无子不能自理為民雖憂終不離管管子治國侯伯

賓服乘輿八百尊我桓德

謙 搃梅折枝與母別離絕不相知



豫 盛中不絕衰老復拙者盈滿減虧疾瘳脂肥鄭昭失國重耳

興起肥鄭昭失國重耳得時

隨 聞虎入邑必欲逃匿走據陽德不見霍叔絕終无憂虞

盪 隨時逐便不失利門多獲得福富於封君

臨 禹作神鼎伯益術指斧斤既折幢立獨倚賣市不售枯槁

為禍

觀 春鴻飛東以馬質金利得十倍重載歸鄉

噬 嗑金齒鍊牙壽考宜家年歲有餘貪利者得雖憂无咎

賁 膏澤沐浴洗去汚辱撤除災咎更與壽福作德

剝 履增登墀高升峻巍福祿洋溢依天之威

復 坤厚地德庶物蕃息平康正直以繇大福

无妄 絕域異路多所畏惡使我驚惶思吾故處

太畜 襁褓孩幼冠帶成家出門如宿父母何憂恒之

頤 一尋百節綢繆相結其指詰屈不能解脫

大過 鷹鷂獵食雉兔困極逃走見尾為害所賊

坎 危坐至暮請求不得膏澤不降政矣民咸

離 剛柔相呼二姓為家霜降既同惠我以仁

咸 慈母念子鄉食賜德士變夷來服國人以安懽喜

恒 良夫孔姬負慄登臺樂季不扶衛輒走逃

遯 子長忠直季氏為賊禍及无嗣司馬失福

大壯 節慶之德不涉亂國雖昧无光民受大福

晉 驅羊南行與福相逢狼驚我馬虎盜我子悲恨自咎

明夷 尼父孔丘善釣鯉魚羅網一舉獲利萬頭富我家居

家人 本根不去華葉落去更為孤嫗



睽 設罟捕魚反得居諸員困竭忠任氏夷誅  
蹇 敏捷極疾如猿集水形弓雖調終不能獲  
解 冠帶南行與福相期邀於嘉國拜為逢時  
損 年豐歲熟政仁民樂祿心獲福  
益 築闕石顛立基水原疾病不安老孤元隣  
夫 逐孤東山水過我前深不可涉失利後還蒙之盡始之  
姤 麟子鳳雛生長嘉國和氣所居康樂温仁邦多聖人  
萃 西行求玉莫得瑜璞反得凶惡使我驚惑  
升 心狂志悖聽視龍首正命无常下民多孽  
困 南國少子才畧美好求我長女賤薄不與反得醜惡後乃  
井 大悔噬嗑之夫  
逶迤高源家伯妄施亂其在官

革 謝恩拜德東歸吾國歡樂有福  
鼎 鷄鳴同舉思配无家執佩持鳧無所莫使致之  
震 凶重憂慮身受誅罪神不能解  
艮 虎豹能罷遊戲山谷仁賢君子得其所欲謙之中孚  
歸妹 海隅遼右福祿所至柔嘉蒙祉九夷何咎  
豐 華首之山仙道所遊利以居止長无咎憂謙之  
旅 申乙戊庚隨時移行不失常節萌芽律屈咸達生出客順樂  
巽 其類歸妹之跛躓未起失利後市不得鹿子  
兌 惟恃自負不志於下血從地出誅罰失理  
渙 江河淮海天之都市商人受福國家饒有  
節 節情省慾賦歛有度家給人足早貴利以富貴且雷



中孚牝馬鳴詢求其濟雷雨大會流成河海

小過日月之塗所行必到无有患故

既濟乘風而舉與飛鳥俱一舉千里見吾愛母明夷之鼎

未濟陰配陽事卧木反立君子攸行喪其官職

歸妹之第五十四

歸妹聖冰黃鳥常悲哀鳴不見甘粒白但歡藜荆觀數驚鷲鳥為我

心憂

乾 荆木冬生司冠緩刑威權在下國亂且傾

坤 喘牛傷暑弗能耕成草萊不闢年歲无有牝問

屯 魚欲負流衆不同心至德潛伏

蒙 春耕有息秋入利福獻豨大豨以樂成功

需 生有聖德上配太極皇靈建中授我以福家人之需

訟 右撫琴頭左手援帶凶訟不已相與相戾失利而歸

師 炙魚枯斗陰伺碩鼠舌不思味機發為崇竿不得去

比 申酉說服牛馬休息君子以安勞者得權

小畜堯門尹爵聖德增益使民不疲安无怵惕

履 孤公寡婦獨宿悲苦目張耳鳴莫與笑語歸妹

泰 外得好畜相與嫁娶仁賢集聚諮詢厥事傾奪我城使家

不寧

否 煎砂盛暑鮮有不朽 河三里貝我利市老手牛育去之

何悔

同人甲乙戊庚隨時轉行不失常節萌芽律屈咸達出生各樂

其類漸之旅

大有依宵夜遊與君相遭除解煩惑使心不憂



謙死友无有絕明巧言為諛覆白汚玉顏叔哀音  
豫逐利三年利走如神展轉東西如鳥避丸  
隨隄防壞决河水泛溢傷害稼穡民流去室君孤獨宿没溺  
我邑

蠱陰陽隔塞許嫁不荅旄丘新臺悔往嘆息晋之无妄

臨伯夷叔齊貞廉之師以德防患憂禍不存泰之乾萃之否比之剝

觀陽為狂悖拔劍自傷為身生殃明夷之井

噬嗑進士為官不若服田獲壽保年

賁耕石不生弃禮无名縫衣失針襦袴弗成

剝靈龜陸處一旦失所伊子復耕桀亂无輔

復室當源口漂溺為海財產殫盡衣食无有

无妄鷄方啄粟為狐所逐走不得食惶惧喘息

大畜家在海隅繞旋深流豈敢憚行无木以趨明夷

頤他山之錯與謬為仇來攻吾城傷我肌膚國家騷憂

大過弊鏡无光不覩文章少女不嫁弃於其公

坎大蛇巨魚相輔殺之君臣隔塞郭公失廬出

離絕世无嗣福祿不存精神渙散離其躬身寶

咸文君之德養人致福年无胎天國富民寶憂者之望憎參

盜息

恒合歡之國喜為我福東岳南山朝躋成恩息

遯憂人之患履悖易顏為身禍殘率身自守與喜相抱長子

成考封受福祐社

大壯太公避紂七十隱處卒受聖文為王室輔明夷之坤

晋江漢上流政逆民憂陰伐其陽雌為雄公



明夷縮縮緒亂絲舉手為災越畝逐兔濡其衣袴  
家人臭羸腐木與狼相輔亡夫失子憂及父母  
睽 剗羊不當女執空筐兔跛鹿蹄綠山墜墮隨諛倭亂作  
蹇 拔劍傷手見敵不喜善良臣无佐困憂為咎  
解 三殺五祥相隨俱行迷入空澤循入直北經涉六駁為聽所  
傷敗

損 爭鷄失羊亡其金囊利得不長陳蔡之患賴楚以安恒之  
益 三驪負衡南取芷香秋蘭分馥盈滿神履利我仲季  
夬 孟春夏丑哀呼仲父明德訖終亂虐滋起  
姤 履不容足南山多葉草家有芝蘭乃无病疾葉又  
萃 三足无頭弗知所之心強在精傷莫使為明不見日光  
升 戴堯扶禹喬松彭祖西過王母道路夷易无敢難者師之

困 式微式微憂禍相絆隔以巖山室家分散  
井 靈龜陸處一旦失所伊子復耕桀亂无輔  
萃 仁德覆洽恩及異域澤反殊方禍災隱伏蚕不作室寒无  
所得

鼎 夏麥楚薺霜擊其芒疾君敗國使年夭傷  
震 火雖熾在吾後寇雖多在吾右身安吉不危殆震之歸妹大有之需  
艮 遼遠絕路客宿多悔頑器相聚生我畏惡明夷之小畜  
漸 懸懸南海去家萬里飛兔裏駿一日見母除我憂悔  
豐 困而後通難危不窮終得其願姬姜相從  
旅 西賈巴蜀寒雪已沒欲前不得還反空空屋  
巽 作新初陵爛稻難登三駒推車躓頓傷願  
兌 延頸望酒不入我口深目自苦利得无有幽人悅喜



渙 仲春孟夏和氣所舍生我喜福國无殘賊  
節 張網捕鳩兔離其災雌雄俱得為置所賊  
中孚三人俱行一人言北伯仲欲南少叔不得中欲分道爭道

相賊

小過然諾不行欺給誤人使我露宿夜歸温室祀怒不直鬼擊

其目欲來獨利反言自賊

既濟陳辭達誠使安不傾增祿益壽以成功名

未濟火烧公床家破滅亡然得安昌先憂重喪

豐之第五十五

豐 清糲行賈經涉山阻與秋為市不憂危殆利得十倍

乾 鼎足承德嘉謀生福為王開庭得心所欲

坤 曳綸江海釣魴與鯉王孫列俎以饗仲友

屯 東山臯落叛逆不服興師征討恭子敗覆

蒙 千里駢駒為王服車嘉其驪榮君子有成

需 二龍北行道逢六狼奠宿中澤為禍所傷

訟 天災所遊凶不可居轉徙獲福留止危憂

師 狐狸雉兔畏人逃去分走窟匿不知所處

比 雨師娶婦黃巖季子成禮既婚相呼南山膏潤下土年歲

大有 大有 損之益并之坤恒

小畜外棲野鼠與雞為伍瘡痍不息即去其室

履 天命絕後孤傷无主彷徨兩社獨不得酒

泰 鵠思其雄欲隨鳳東順理羽翼出次傾日中流北色及復

其室 其室 明之益需之

否 蜚蛇九子長尾不殆均明光澤燕自受福



同人日走月步趨不同舍夫妻反目君立失國小畜之同人

大有定房戶室括期除毒文德淵府害不能賊深毒不知孰是

謙東齊郭廬嫁于洛都駿良美好多好讓主利得過倍

豫病篤難醫和不能治命期終訖下即蒿里臨之

隨開郭聚業王迹所起姬德七百振以八子

蠱豐年多儲河海饒魚商客善賈大國富有

臨鵠求魚食過彼食邑緇加我頸繳挂羽翼欲飛不能為羿

所得

觀望城抱子見邑不殆公孫上堂文君悅喜

噬嗑左指右麾邪侈靡靡執節无良靈君以亡

賁日中為市各持所有交易資賄函珠懷寶心悅歡喜泰之

剝山没丘浮陸為水魚燕雀无廬

復馬服長股宜行善姜市蒙祐偶獲利五倍終日在市詰朝獲利既享嘉福得之以義

无妄三狸捕鼠遮過前後死於國城不得脫走離之遯

大畜鬼舞國社歲樂民喜臣禮於君子孝於父

頤慈母望子遥思不已久客外野我心悲苦

大過雨師娶婦黃巖季子成禮既婚相呼南上膏潤下土年歲

大有損之益恒之晉井

坎兩狗圍室相咬爭食狂矢西流射我暴國高宗伐鬼三年

乃服

離早霜晚雪傷禾害麥損功弃力飢无可食離之

咸腐臭何在青蠅集聚變白為黑敗亂邦國君為臣逐失其

寵光

恒牽羊不前與心戾旋聞言不信誤給丈人富云言語不



遜 甘忍利害還相克敵商子酷刑鞅喪厥身  
大壯剝羊不當血少无羨女執空筐不得免破鹿蹄根緣山墜墮隨之  
晉 齟齬齟齬貧鬼相責无有歡怡一日九結震之既濟  
明夷兩足四翼飛入嘉國寧我伯姊子母相得賁之人  
家人文山紫芝雍梁朱草生長和氣王以為寶公尸侑食福祿  
來慶

睽 絕世遊竟福祿不存精神渙散離其躬身  
蹇 北辰紫宮衣冠立中含弘建德常受大福  
解 伯蹇叔盲音吳為守株失我衣裘代爾陰鄉離之  
損 兩女共室心不聊食亂道髮如蓬夏常在中艱之  
益 去辛就蓼毒愈酷甚避穿遇坑憂患日生  
夬 初病終凶季為死喪不見光明

姤 三鳥飛來自到逢時俱行先至多得大利同人之大有震之夫

萃 鹿食山草不思邑里雖久无咎

升 羊腸九縈相推稍併前止須王孫乃能上天損之屯履之師

困 管仲遇桓得其願歡膠牢振日率振冠帶无憂咲戲不在空言

妄行明慶之旅

井 桀跖並處民困愁苦旅行遲遲留晉連齊魯離之

革 鬼狐无室銜損指不食盜張氏饋見敵失肉福

鼎 諛言亂國覆是為非伯奇乖離離恭子憂哀巽之

震 衛侯東遊惑於少姬亡我考妣久迷不來乾之升旅之師

艮 鷄鳴同興思配配无家執佩持鳥莫使致之漸之

漸 義不勝情以欲自榮覬利危躬摧角折頸坤之豐復之

歸妹 臣尊王卑權力日衰侵奪无先三家逐公巽之



旅 叔仲善賈與喜為市不憂危殆利得十倍

井之克中孚之家入

巽 六蛇奔走俱入茂草驚於長路畏懼啄口

旅之歸妹

兌 水壞我里東流為海鳥驚謹置不可安居

渙之大畜

渙 飛不遠去卑斷內侍祿食未富

屯之離未既之大渙之旅

節 陰變為陽女化為男治道大通君臣相承

震之家入

中孚 踐履為難脫厄去患入福喜門見悔大君

小過 網密網縮動益感急困不得息

既濟 負牛上山力劣行難烈風雨雪遮遏我前中道復還憂者

得歡 同人之无妄訟之剝旅之睽

未濟 喁喁嘉草思降甘雨景風升上沾洽時澍生我禾稼

旅之第五十六

旅 羅網四張鳥无所翔征伐困極飢渴不食 萃之泰兌之小過

乾 寄生无根如過浮雲立本不固斯須落去更為枯樹 小畜之蠱

坤 人无定法綬降牛出地雄走趨陽不制陰宜其家困

屯 衆鳥所翔中有大怪九身无頭鬼驚鬼去不可以居 漸之蒙

蒙 封豕溝瀆灌潰國邑火宿口中民多病疾

需 奮翅鼓翼翱翔外國逍遙倚來歸温室 損之觀

訟 秋蚕不成冬種不生設王逆理弃其寵名

師 衛侯東游惑於少姬忘我考妣久迷不來 乾之升豐之震

比 鳥會雀會與惡相得鴟鴞相酬為心所賊

小畜 鳴鷄无距與雀格鬪翅折目盲為仇所傷

履 木生內蠹上下相賊禍亂我國

泰 延陵適會觀樂太史東隣白顛知秦興起率兼其國一統

為主 坎之剝大畜之離



否 輔相之好无有休息時行雲集所在遇福  
同人牀傾寶折屋漏垣缺季姬不悒

大有東入海口循流北走一高一下五色失主七夜六日死於

水浦 睽之震

謙 羣虎入邑求索肉食大人守禦君失其國

豫 四亂不安東西為患退身山足无出邦域乃得完全賴其

生福 大有之睽

隨 叔盼抱冤祈子目邑乘遽解患羊舌以先賴其生全免福 塞之乾

蠱 延頸望酒不入我口深目自苦利得无有益履之甘華

臨 仁政之德恭恭日息成形就邑日受厥福巽之屯

觀 牽頭繫尾屈折幾死彫世无術不知所歸升之大畜

噬嗑 教羊逐兔使魚捕鼠任非其人費日无功需之噬嗑

賁 生角有尾張孽制家排擄逐孤張氏易公憂禍重凶

剝 去安就危墜陷井池破我玉蟠瑞

復 茹芝餌黃塗飲玉英與神通流長无憂凶既濟之震

无妄 體重飛難未能越關不離空壇震之鼎

大畜 巢成樹折傷我齏器伯蹊叔跌亡羊乃追

頤 六人俱行各遺其囊黃鵠失曉无以為明既又

大過 播枝遷岐與母分離絕不相知大有之坤

坎 迎福開戶喜隨我後曹伯愷悌為宋國主

離 既痴且狂兩目又一日箕踞坐暗名為无中

咸 金梁鏤柱千年牢固完全不腐聖人安處

恒 累糗荷糧與跖相逢欲飛不得為罔所獲

遯 彭生為妖暴龍作災盜堯衣裳聚茹荷兵青禽照夜三旦



夷亡鼎之遊比之蒙

大壯 褐夫老婦不能生子 鰥寡俱處

晉 鷦鷯竊脂巢於小枝 搖動不安為風所吹 內寒飄搖常憂

殆危

明夷 素車木輿不任負重 王子出征憂疑為咎

家人 土陷四維安平不危 利以居止保其玉女

睽 負牛上山力劣行難 烈風雨雪遮過我前 中道復還

蹇 金城鏤郭上下同力 政平民親冠不敢賊

解 清潔淵塞為人所言 證混詰問擊於知溫 甘棠聽斷昭然

蒙恩

師之盡

損 臯陶聽理岐伯悅喜 西登華道東歸无咎

益 低頭竊視有所畏避 行作不利酒酸魚敗 重莫貪者

目兼之解

天 十雉百雉常與母俱 抱鷄搏虎誰肯為娛侶

姤 高阜山陵峻絕顛崩 為國妖祥元后以薨

萃 六鷁退飛為襄敗祥 陳師合戰在股疾傷 遂以公朋處霸功

不成

蹇之盡

升 異國殊俗情不相得 金沐為仇百戰擯投家人之未既

困 鴉噪庭中以戒災凶 重列擊柝儕憂暴客

井 慈母赤子享賜得士 獲夷服除以安王家 側陋逢時

革 迹造惡人使德不通 炎旱為歿年穀大傷

鼎 躬履孔德以世末蒞 文君燎獵呂尚獲福 號稱太師封建

齊國

震 征將止惡鼓鞀除賊 慶仲奔言子般獲福

艮 良夫淑女配合相保 多孫壽子懽樂長久



漸 螭蛇回壯恩念父母王事靡盬不得安處 我 渙之復

歸妹水壞我里東流為海龜翼謹冀不得安居 豐之兌

豐 束帛賤賤賻我孟空微召送君履號易字

巽 乾行大德履瞻六合嘔煦成熟使我福德

兌 秦併六國更相克賊獲重質圍鄭被其咎

渙 晦昧昏冥君无紀綱甲子成亂簡公喪亡

節 三足无頭弗知所之心狂精傷莫使為明不見日光 小畜之復

中孚長夜短日陰為陽賊萬物空枯藏於北陸 夫之明夷謙之漸

小過依宵夜遊與居相遭除煩解惑使我先憂 婦妹之大有

既濟逐鹿南山知我入門陰陽和調國无災殘長子出逃須其

未濟請騁作耳音不我與驅我父母 仁君

巽之第五十七

巽 温山松栢常茂不落鸞鳳以乾得其歡樂 鼎之泰需之坤否之恒

乾 采唐沫卿要我桑中失信不會憂在鈞帶 无妄之恒師之噬嗑

坤 有鳥飛來集于官樹鳴聲畏惡主將出去 屯之六

屯 仁政之德參參自息成都就邑以受厥福

蒙 他山之錯與璆為仇夾攻吾城傷我肌膚邦家搖擾 明夷之口

需 賈貝贖狸不聽我辭繫於虎鬚牽不得來 震之咸萃之蹇否之革

訟 一簣兩舌佞言陷語三奸成鼎曾母投杼 師之乾

師 薄行搔尾逐雲徐水污泥為陸不田宜搜

比 天門九重澤內難通明登到暮不見神公

小畜 昧昧不明耳聾不聰陷入澤淵滅頂成凶 兌之井

履 霧露早霜日暗不明陰陽孽疾年穀大傷



泰 三階主廟德義明堂交讓往來享燕相承箕伯朝王錫我

玄黃

否 爭鷄失羊利得不長陳蔡之患賴楚以安

同人 天旱水涸枯槁无澤未有所獲

大有 陶朱白圭善賈息貨公子王孫富利不貧

謙 龜厭江海陸行不止自令枯槁失其都市憂悔无咎

豫 黃鳥探蓄既稼不吝念吾父兄思復邦國

隨 田鼠野雞意常欲逃拘制籠檻不得動搖

蠱 平國不君夏氏作亂鳥號竊發靈公殞命

臨 巨地大鱗戰於國郊上下閉塞君遁走逃

觀 譎言亂國覆是為非伯奇留離蔡子憂衰

噬嗑 鬱快不明為陰所傷衆霧集聚共奪日光

賁 望城抱子見邑殆不公孫上堂大君得喜

剝 三虫為蠱刻迹无與勝毋盜泉君子弗處

復 車馳人趨卷甲相求齊魯寇戰敗於大丘

无妄 欲訪子車善相欺給桓叔相迎不見所期

大畜 爭雞失羊亡其金囊利得不長陳蔡之患賴楚以安

頤 歲莫花化落陽入陰室萬物伏匿利不可得

大過 晨風文翰大舉就温過我成邑拜无所得

坎 時鵠抱子見蛇何咎室家俱在不失其所

離 隱隱大雷需需為雨有女癡狂驚駭隣里

咸 无足斷跟居處不安凶惡為患

恒 破筐敝笠弃捐於道不復為寶

遯 三鷄啄粟十雛從食飢為卒擊亡其兩叔

中孚之頤



大壯乘車七百以明文德踐土葵丘齊晉受福兌之剝

晉百足俱行相輔為強三聖翼事王室寵光屯之履晉之坤離之復井之履

明夷典策法書藏在蘭臺雖遭遺瀆亂獨不遇災坤之大畜大有之恒中孚之恒

家人面誅不服恃強負力倍道蓄敵師徒敗覆益之同人需之屯

睽春陽生草夏長條肄萬物蕃滋充實益有

蹇礪禿白不生黍稷无以供祭祇靈代祀

解褰衣涉河潤流淡多幸賴舟子濟脫无他坤之萃蹇之師

損宜行賈市所求必倍戴喜抱子與利為友未濟之益大過之恒

益兄征東燕弟伐遼西大克勝還封君河間

夬初雖驚惶後乃无傷受其福慶相孝為王

姤隨風乘龍與利相逢田獲三倍商旅有功憧憧之邑長安

无他

萃萃魚擾水濁寇圍吾邑城危不安驚為恐狂惑

升升雖塞復通履危不凶保其明功以道立宗

困困坤厚地德庶物蕃植平康正直以綏大福泰之解賁之履渙之解漸之復

井井山水暴怒壞梁折柱稽難行旅留連愁苦咸之豫

革革使燕築室身不庇宿家无聊賴織我衣服

鼎鼎矢石所射襄公痢擲吳子巢門傷病不治

震震日月運行一寒一暑榮寵赫赫不可得保顛隕墜墮更為

士伍 中字之音

艮艮宮門悲鳴臣圍其君不得東西

漸漸戴盆望天不見星辰顧小失大福逃墻外賁之蒙小過之蠱

歸妹天之所明禍不遇家反自相逐終得和美

豐豐天陰霖雨塗行泥潦商人休止市无所有萃之睽升之隨夫之大過



旅 善門福喜增累盛熾日就有得宜其家國

兌 南山之陽華葉鏘鏘嘉樂君子為國寵光

渙 畫龍頭頸文章未成甘言美語詭辭无名

節 嬰兒孩子未有知識彼童而角亂我政事

中孚陰作大奸欲君勿言鴻鵠利口發其禍亂刑季懷憂張伯

被患

小過德之流行利之四鄉兩師洒道風伯逐殃巡狩封禪以告

成功 萃之比益之復

既濟禹將為君裝入崑崙稍進陽光登見温湯功德昭明

未濟五岳四瀆合潤為德行不失理民賴恩福

兌之第五十八

兌 班馬還師以息勞疲役夫嘉言入戶見妻

觀之既濟責之蠱利之噬嗑

乾 踐履危難脫去危患入福嘉門見悔大君

坤 子鉏執麟春秋作元陰聖將終尼父悲心

屯 夾河為婚期至无舡挫心失望不見所歡

蒙 天孫帝子與日月處光榮於世福祿祉祉

需 三羊爭妻相隨奔馳終日不食精氣勞疲

訟 禹召諸神會稽南山執玉萬國天下安寧

師 早霜晚雪傷害禾麥損功弃力飢无所食

比 嵩融持戟杜伯荷弩降觀下國誅逐无道憂商之季失福

逃走

小畜生有聖德上配太極皇靈建中受我以福

履 下田陸黍萬華生齒大雨霖集波病潰腐

泰 子畏於匡困厄陳蔡明德不危意克免害



否 有兩赤頭從五岳遊來謠言无祐趨爾之林俯伏聽命不敢

動搖

同人當得自知不逢凶災衰來復興終得福來

大有朽根剝樹華葉落去卒逢火災隨風僵仆此之坎噬嗑之否艮之需

謙 葛生衍蔓締綌為願家道篤厚父兄悅喜

豫 東行求玉反得弊石名曰无直字曰醜惡衆所賤薄家人之否

隨 瞻白用弦駕孱恐怯任力隨身如蝟見鵠偃視怒腸不敢

拒格

蠱 瘡痍多病宋公危殆吳子巢門无命失所

臨 東山西岳會合俱食為吳從送以成恩福

觀 舞非其處失節多悔不合我意

噬嗑南循汝水伐樹斬枝過時不遇怒如周飢

賁 公孫駕驪載遊東齊延陵說產遺季紵衣艮之未濟

剝 乘輿八百以明文德踐土葵丘齊魯受福巽之大壯

復 雄處弱水雌在海邊別離將食哀悲於心

无妄 結網得鮮受福安坐終无患禍

大畜 秋南春北隨時休息處和履中无有憂凶

頤 啓戶開門巡狩釋寬夏臺姜里湯文悅喜

大過 符左契右相與合屬乾坤利貞乳生六子長大成就風言

如母

坎 飢蚕作室絲多亂緒端不可得

離 東壁餘光數暗不明主母嫉妬亂我事業革之謙大壯之恒謙之屯

咸 白茅醢酒靈巫拜禱神嗜飲食使君壽考

恒 范公陶夷巧賈貨資東之營丘易字子皮抱珠載金多得

縮醴 校本三字不辨何從



利婦

遯 三殺五祥相隨俱行迷入空澤經涉虎廬循谷直北經涉  
六駁為所傷賊死於牙腹

大壯雄鷓延頸欲飛入關兩師洒道織我袍裘車重難前侍者  
稽顙

晉 中年蒙慶慶今歲受福必有所得榮寵受祿  
明夷祿如周公建國洛東父子俱封

家人安床厚蔭蔭不得久宿弃我嘉讌困於東國投杼之憂不成  
禍災福 家人之睽良之節

睽 蓄積有餘糞土不居利有所得

蹇 心願所喜乃今逢時我利福不離兵革既濟之復

解 目不可合憂來搔足怵惕危懼去其邦族革之睽

損 福德之士懽悅日喜夷吾相桓三歸為臣賞流子孫

益 夏姬附耳心聽悅喜利後傳取

夬 叔迎兄弟遇泰在陽君子季姬並坐鼓簧咸之震

姤 徙巢去家南遇白鳥東西受福與喜相得

萃 舜登大禹石夷之野徵請玉康解治水乾之中孚師之小畜

升 江河淮海天之都市商人受福國家富有

困 隱隱真煩煩火燒山根下潤我隣獨不蒙恩賁之蹇

井 闇昧不明耳聾不聰陷入深淵滅頂憂凶巽之小畜

革 鳥鳴喈喈天火將下播我館舍災及妃后中孚之口

鼎 十雉百雛常與母俱抱虎搏雞誰敢難者

震 營城洛邑周公所作世達三十年歷八百福祐盟執堅固

不落 井之升



艮 三人俱行別離將食一身五心反復迷惑  
漸 三虎搏狼力不相當如鷹格雉一擊破亡  
歸妹 養虎畜狼還自賊傷年歲息長疾君拜禱雖危不凶  
豐 後時失利不得所欲  
旅 雉兔之東以野為場見鷹奔走死於谷口  
巽 秋蛇魁穴不失其節夫人姜氏自齊復入  
渙 鳥鳴巢端一呼三顛搖動東西危鬼不安  
節 命夫不遂死多為崇妻子啼瘖早失其雄  
中孚 節屋結席崇我文德三辰旃旗家受行福  
小過 羅網四張鳥无所翔征伐困挫飢窮不食  
既濟 天成地安積石為山潤給萬里人賴其歡  
未濟 銅人鍊柱暴露勞苦終朋卒歲无有休止

渙之第五十九

渙 望幸不到文章未就王子逐兔犬蹄不得未濟既濟

乾 焱風阻越車馳焱右棄古追思失其和節憂心悒悒需之小過

坤 蛇得澤草不憂危殆

屯 兩犬爭鬪股瘡无處不成仇讐行解却去

蒙 因禍受福喜盈其室求事皆得

需 江有寶珠海多大魚亟行疾去可以得財節之中孚

訟 三牛生狗以成為母荆夷上侵伯姬出走坤之震否之始需之訟

師 安息康居異國窮廬非吾習俗使仰憂惑

比 行觸天綱馬死車傷身无聊賴困窮乏糧

小畜 裸程逐狐為人觀咲牝鷄司晨主作亂門大有之咸

履 為季求婦家在東海水長无缸不見所歡屯之蹇



秦 男女合室二姓同食婚姻孔云宜我多孫  
否 禾行帝室黃帝所直藩屏周衛不可得入常安長在終无

太微  
禍患

同人賈金觀市欲置騶子猾偷竊發盜我黃寶

大有三思俱行欲歸故鄉望邑入門拜見家觀

謙 娶於姜如駕迎新婦少齊在門夫子悅喜

豫 白中旅行南求大特益長痛足倩季負囊柳下之貞不失

我邦

隨 潔身白齒衰老復起多孫衆子宜利姑舅

蠱 獨宿僧夜嫖母畏晝平王逐建荆子憂懼

臨 追亡逐北呼還幻叔至止而得復歸其室

觀 鳥飛无翼兔走折足雖欲會同未得其功

未濟之大過需之渙

噬嗑抱空握虛鳴教我賈利出不成去利去離之家人

賁 山作天池陸地為海各得其所

剝 為虎所嚙太山之陽衆多從者莫敢救藏

復 逶迤四牡思歸念母王事靡盬不得安處

无妄彌猴所言語无成全誤我白馬使口不至乾口來

大畜飛不遠去卑廝內侍祿養未富豐之渙

頤 大尾細腰重不可搖陰權制國平子逐昭

大過旦生夕死名曰嬰鬼不可得視視  
小畜之萃未濟之乾震之坤

坎 子畏於匡因於陳蔡明德不危竟免厄害兌之泰大過之音師之鼎

離 畏昏潛處候時朗昭卒逢白日為世榮主

咸 白鳥銜餌嗚呼其子旋枝張翅來從其母音之震

恒 宮商角徵五音和起君臣父子弟順有序唐虞襲德國无



災咎

遜 季姬踰躅望孟城隅終日至暮不見齊侯

大壯鬼哭於社悲傷无後甲子昧爽殷人絕祀 大過之坤

晉 天起所予福祿常在不憂危殆 小畜之遯損之遯臨之復

明夷比目附翼相待為福姜氏季文與君合德 節之隨

家人翁翁鞫鞫稍崩墜頭滅其令名長後不全 泰之謙否之離益之坎

睽 折善蔽目不見雜叔三足飛鳥遠去家室 師之蒙

蹇 羊腸九縈相催稍前止須正孫乃能上天 豐之升復之師蠱之剝

解 坤厚地德庶物各思子康正直以綏大福 泰之解災之困賁之復

損 有莘外野不逢堯主復歸窮處心勞志苦

益 景行來觀柘桑止伯自喜都叔允臧

夬 周師伐紂戰于牧野甲子平旦天杌喜悅 謙之噬嗑節之升復

姤 踰江求橘并得大栗烹羊食豕飲酒歌笑

萃 敝笱在梁魴逸不禁漁父勞苦 中爻 焦喉乾虛无有 遯之大過

升 生有陰孽制家非陽遂愛還作張氏易休憂禍重凶

困 絕域異路多有恠惡使我驚懼思我故處

井 迷行失道不得馬牛伯賈逃亡市没无有

革 惟鶴生鵬神異興起乘雲龍騰民載為父

鼎 疊疊疊疊如岐之室畜一息十古公始邑 恒之小過

震 瘡瘍疥癩孝婦不省君多疵贅回時作笑

艮 羊頭无足羸瘦少肉漏囊敗粟利无所得 剝之恒既濟之訟

漸 孽孽從靡空无誰是言季不明樂減少解

歸 妹貌親熟敗君正色作事不成自為心賊

豐 四馬共轅東上太山駢驪同力无有重艱與君咲言 剝之解



旅 陰變為陽女化為男治道得通君臣相衛承  
南國少子材畧美好求我長女賤薄不與反得醜惡後乃豐之節未濟之失屯之離  
大悔比之漸泰之震漸之困

兌 昭公失常季女悖狂遜齊處野喪其寵光過之盡  
節 文山紫芝雍梁朱草生長和氣王以為寶公孫宥食福祿

中孚牽羊不前與心戾旋聞言不信誤給大人  
來處同人之剝豐之家入

小過東山西山各自止安心維相望音不同堂姑之坤漸之屯中孚之賁  
既濟鹿求其子虎廬之里唐伯季耳曾不我許隨之否

未濟三虎上山更相距嗜心志不親如仇與怨  
節之第六十

節 海為水王聰聖且明百流歸德无有叛逆常饒優停足不利

乾 攻其所求弗得  
虎豹怒咆慎戒外憂上下俱搔士民无聊

坤 探巢得雛仇鵠俱來使我心憂  
日望一食常恐不足禄命寡薄

屯 良馬疾走千里一宿難逃它鄉誰能追復  
鵲巢鳩城上下不親内外乖畔子走失願

蒙 雲龍集會征討西戎招邊定衆誰敢當鋒臨之明夷  
需 春多膏澤夏潤優渥稼穡成熟取獲百斛豫之益盡之履觀之蒙

訟 僮妾獨宿長女未室利无所得  
比 小畜四野不安東西為患退身止足无出邦域乃得全完賴其

復 長寧理福安我百國嘉賓上堂與季同牀

生福觀之小過大有之睽



秦 騏驎驎綠耳章明造父伯夙秦獻秉續厥緒佐文成霸功為晉

元輔

否 張陳嘉謀贊成漢都主歡民喜其樂休休張良陳平也

同人大面長頭來解君憂遺善福善與我嘉惠

大有畏昏不行待且昭明燎獵受福老賴其慶夫之損

謙 伯去我東首髮如蓬長夜不寐輾轉空床內懷惆悵憂摧繫

肝腸始之遊

豫 朽條腐索不堪施用安靜候時以待親知

隨 比目四翼相倚為福姜氏季女與君合德渙之明夷

蠱 履階升墀高登崔嵬福祿洋溢依天之威

臨 奢淫吝嗇神所不福靈祇憑怒鬼瞰其室

觀 大步上車南到喜家送我狐裘與福載來中孚之泰未濟之坤

噬嗑東行西步失次後舍乾侯野井昭君失居與彼作期不覺

至夜

賁 喜樂封躍來迎名家歡客鵲巢百兩獲利養以成喜福多獲利益

剝 非里理所求誰肯相與往來不獲徒勞道路

復 北虜匈奴數侵邊境在衽為長國猶未慶

无妄續事康域鍼折不成嬰兒短舌說辭无名十作征不以禮獲

功子伯不成

大畜景星明堂麟在鳳翔仁施大行頌聲作興豫之節損之坤

頤 文明之世銷鋒鑄鑄以道順昌百王不易一作精膏銷鋒

安其國

大過鳥飛无羽鷄闕折距徒自長嗟誰肯為侶子作不順其德自為凶咎

坎 羣隊虎狼蓋彼牛羊道路不通妨農害商



離 商伯沉醉庶兄奔遠遊女蕩夫仁德並孤

咸 三狸搏鼠路過前後當此之時不能脫走

恒 陶叔孔圍不處亂國初雖未萌後受福慶

遯 奮翅鼓翼翱翔外國逍遙北域不入温室

大壯 德音孔博升在王室八極蒙祐受其福祿

晉 當變立權摘解患難霍然冰釋大國以安 升之震

明夷 羽動角甘兩續草木茂年歲時熟

家人 天所佑助福來禍去君王何憂

睽 方喙宣口聖智仁厚釋解倒懸唐國大安 小畜之噬嗑

蹇 葛萬蒙棘棘不得實讒扶亂政使恩壅塞 泰之蒙蠱之明夷師之孚

解 阜母多恩字養孝孫脫於襁褓成就為君

損 積水下濕北陸苦寒之宿多風君子傷心 睽之坎

益 伯夷叔齊貞廉之師以德防患憂禍不存 革之君坎之臨中孚之解

夬 一雌二雄子不得公亂我族類使吾心憤

姤 主安多福天祿所伏居之寵昌君子有光

萃 千歲槐根利多斧斲樹維枯屈枝葉不出 謙之噬嗑渙之夫履

升 周師伐紂勝殷牧野甲子平旦天下大喜 豐之同人小畜之同人豫之睽

困 日走月步趨不同舍夫妻反目主君失居

井 宣勞就力為王主國安土成稷天下蒙福 明夷之蒙益之井

革 諷德誦功美周盛隆惠且輔成光濟冲人

鼎 三夜不寢憂來益甚戒以危惧弃其安居

震 恩願所之乃今逢時洗濯故憂拜其權來 睽之艮

艮 樽樽攝攝夜行晝伏謀議我資來攻吾室空盡已財幾无

所食



漸 駢牛亡子鳴於大野申後陰徵還歸其母說我以除悔  
歸妹王良善御伯樂知馬周旋步驟行中規矩止息有節延命

壽考 遊之豫

豐 釋然遠咎避患害旱田獲三狐以具為寶

旅 仁獸所處國无凶咎市賈十倍復歸惠里

巽 六目俱視咎欲有志心言不同乖戾生訟

兌 傳說休明駟御四龍周徑萬里无有危凶

渙 伯仲叔季日暮寢寐醉醒失明喪其具囊卧拜道旁謙之盡

中孚 江有寶珠海多大魚亟行疾至所以得財渙之需

小過 遠視千里不見所視特離婁之明无益於耳

既濟 弱足剛跟不利出門市賈无贏折亡為患乾之鼎

未濟 利盡得媒時不我來鳴雌深涉寡宿獨居

中孚之第六十一

中孚 鳥鳴嘒嘒天火將下燔我屋室災及妃后革之革

乾 黃虹之野賢君所在管仲為相國无災咎

坤 叔梁有名相與合齒乾坤利貞乳生六子長大成就風言拋吾

如母

屯 蝗蝻我稻驅不可去實德无有但見空蒙豫之師

蒙 嬰孩求乳母歸其子黃虜悅喜

需 折筮蔽目不見稚叔失旅亡民遠去家室

訟 牂羊墳首君子不飽年飢孔荒士民危殆

師 靈龜陸處盤桓失所伊子退耕桀亂无輔歸妹之井歸妹之利

比 威約拘囚為人所誣臯陶平理幾得脫免

小畜 鳥升鵲舉照臨東海龍降庭堅為陶叔後封於蓼丘福履英六



綏厚

謙之願需之大畜現之頤

復

四目相視稍延道同軌軌日映映之後見吾伯姊

益之需

泰

大步上車南到喜家送我孤裘與福載來

節之現未濟之坤

否

穿都相合未敢面見媒妁无良使我不鄉

同人

鴻飛遵陸公母不復伯氏客宿

大有

伐戍失期患至无聊惧以發難為我開基邦國憂愁

謙

伯氏爭言戰於龍門構怨結禍三世不安

豫

周政養賊背生人足陸行不安國危為患

隨

蝸蟾斂喜草木嘉茂百果蕃生日益富有

謙之解

蠱

薄災暴虎風吹雲却欲上不得復歸其宅

臨

乘駟駕驪遊至東齊遭遇行旅送我以貨厚得利歸

觀

鳳生十子同巢共乳歡悅相保

噬嗑

桃雀竊脂巢於小枝動搖不安為風所吹心蹙慄搖常憂

殆危損之渙

賁

東山西山各自止安雖相登望不得同堂

始之坤漸之屯渙之小過

剝

匍匐出走驚懼皇恐白虎生孫辱收在後

復

重戈射隼不知所定質疑著龜明神告報以肥壯宜利

止居

无妄

開門內福喜至我側加以善祥為吾家宅宮城洛邑以招

文德

大畜

烏飛狐鳴國亂不寧下強上弱為陰所刑

頤

三鷄啄粟八雛從食飢鷹卒擊死亡兩段

大過

歎息不悅憂逆中出喪我金嬰无妄失位

坎

剛柔相呼三姓為家霜降既同惠我以世

家人之損漸之離



離送我季女至於蕩道齊子旦夕留連久處

咸低頭竊視有所畏避行作不利酒酸魚敗衆莫貪嗜鼎之解

恒典策法書藏存蘭臺雖遭亂潰獨不遇災潰者兵之明度坤之大畜散也大有之恒

遯旦醉病酒暮疾廖愈獨不及咎

大壯畫龍頭頸文章不成甘言美語說辭不名升之蒙之噬嗑家之貴

晉日月運行一寒一暑榮光赫赫不可得保顛躓殞墜更為

士伍

明夷爭利王市朝多君子蘇氏六國獲其榮寵

家人六蛇奔走俱入茂草驚於長塗畏懼咏口豐之巽

睽懸桓素餐食非其任失輦剝廬休坐徙居潤之益

蹇觀欣九子俱見大喜携提福至王孫是富

解伯夷叔齊貞廉之師以德防患憂禍不存革之否歸妹之臨節之益

損雄聖伏名人匿麟驚走鳳飛北亂潰未息否之大過剝之臨

益久鰥无偶思配織女求其非望自令寡處

夬破亡之國天所不福難以止息

姤老慵多欲弊政為賊阿房驪山子嬰失國

萃三殺六特相隨俱行迷入空澤經涉虎廬為所傷賊死於

牙腹

升噬囁處惧昧冥相搏多言少實語无成事明夷之豫謙之乾

困舞陽漸離擊筑善歌慕丹之義為燕助軻陰謀不遂霍月自

死亡功名何施

井尹氏伯奇父子分離无罪被辜長舌為災

革五精乱行政逆皇恩湯武赫怒天伐利域共

鼎西歷玉山東入玉門登上福堂飲萬歲漿



震 行觸忌諱與司命忤執囚束縛拘制於吏迷人有喜  
艮 機父不賢朝多讒臣君失其政保我久貧  
漸 三人俱行北求大特益長病足請季負囊柳下之貞不失

我知糧

歸妹 鶴思其雄欲隨鳳東順理羽翼出次日中雖留北邑復歸

其室 益之觀需之離豐之泰

豐 常德自如不逢禍災作知

旅 白鶴遊望君子以寧履德不愆福祿來成

巽 膚敏之德發憤忘食虜豹擒虎為王得福亦有之困

允 百足俱行相輔為強三聖翼事主室寵光國富民康屯之履

渙 生不逢時困且多憂年老衰極中心悲愁

節 出門蹉跌看道後旅買羊逸亡所謂外走空手握拳坐狼恨

相為谷

小過 牧羊稻田聞虎喧謹畏懼惕息終无禍患隨之漸井之否剝之損

既濟 龍潛鳳池箕子變服陰孽萌作

未濟 國无比隣相與爭強紛紛凶凶天下擾攘憂

小過之第六十二

小過 初雖驚惶後反无傷受其福慶永求其祥

乾 積德累仁靈祐順信福祉日增

坤 謹慎重言不幸遭患周邵述職脫免牢開

屯 鳥飛鼓翼喜樂堯德虞夏著功要荒賓服

蒙 牙蘂生齒室堂啓戶幽人利貞鼓翼起舞

需 使伯東求拒不肯行與叔爭訟更相毀傷

訟 手足易處頭尾顛倒公為雌嫗亂其蚕織



師 匠卿操斧豫章危殆袍衣既剥祿命訖已  
比 天女踞床不成文章南箕无舌飯多砂糠虛象盜名雌雄

折頸 大畜之益

小畜大推破轂長舌乱国墻茨之言三世不安  
復 銜命辱使不堪厥事中墜落去更為負載  
泰 三蛇共室同類相得甘露時降生我百穀  
否 衣繡夜遊與君相逢除患解惑使君不憂  
同人被髮獸心難與為隣來如風雨去如絕絃為狼所殘  
大有剛柔相呼二姓為家霜降既同惠我以仁  
家人之損中孚之坎漸之離  
謙 牛耳聾聵不曉声味委以鼎俎治乱墳墳  
豫 低頭竊視有所畏避行旅不利酒酸魚餒衆莫貪嗜  
鼎之解  
隨 雨師娶婦黃巖李子成礼既婚相呼南上膏我下土年歲

大有 井之神恒之音豐之比豐之大過

蠱 戴盆望天不見星辰顧小失大道逃墻外  
賁之蒙巽之漸益之中孚  
臨 二人輦車徙去其家井沸釜鳴不可以居  
觀 攘臂反肘怒不可止狼戾腹心无與為市  
噬嗑湯火之憂轉解喜來  
賁 忠信輔成王政不傾公劉肇基文武綏之  
剥 登高斬木頓躑躅險車傾馬疲叔伯嗟噓  
復 桑方隕落黃葉敗散失勢傾側如无所立  
无妄鸞鳳翱翔集于家國念我伯姊與母相得  
大畜陰淫所居益溢過度傷害禾稼  
頤 實冥高山道險峻難王孫罷極困於阪間  
大過和璧隋珠為火所燒冥昧失明奪精无光棄於道傍



坎 虞君好田神惠我老親恭承宗廟長慍不去復我內事

離 瓜牙之士夫怨毒祈父轉憂與已傷不及母

咸 倉盈庾億宜稼黍稷年歲有息

恒 窓牖戶傍道利明光賢智輔聖仁德大行家給人足海內

殷昌 大畜之升

遯 惴惴之患凶重與荐為虎所吞

大壯 水无魚滋陸為海涯君子失居小人相携

晉 九疑鬱林沮濕不中鸞鳳所惡君子攸去无妄之災

明夷 六翮泛飛走歸不及脫歸王室上其駢特

家人 不有莊公與我爭訟媒伯无礼自令壅塞

睽 倉庚多億宋公危殆吳子巢門殞命失所庚

蹇 失羊捕牛无損无憂

解 夏麥越越趨霜擊其芒疾君敗國使我誅傷泰之貴

損 昧昧暗暗不知白黑風雨乱擾光明伏匿幽王失國

益 執斧破薪使媒求婦和合二姓親御飲酒色比毛嬙姑公

悅喜

夬 六疾生狂癡走妄行北入患門與禍為鄰

姤 驅羊就群狼不肯前慶季懷諫子之被患

萃 二人異路東趨西步十里之外不知相處

升 義不勝情以欲自营覩利為躬折角摧頸

困 騷騷擾擾不安其類疾在頸項凶危為憂

井 三河俱合水怒湧躍壞我王室民困於食

革 陽曜旱疾傷病稼穡農人无食

鼎 流浮出食載豢入屋釋縛繫馬西南廡下



震 門戶之居可以止舍進仕不殆安樂相解斜作

艮 過時不歸雌雄苦悲徘徊外國與母分離咸之應豫之大壯

漸 中田有廬疆場有瓜獻進皇祖曾孫壽考

歸妹 失時无友覆家出走何如喪狗

豐 反鼻岐頭三寡獨居

旅 衣裳顛倒為王來呼成就東周封受大福

巽 飛不遠去還歸故處興事多悔

兌 含血走禽不曉五音匏巴鼓瑟不悅於心

渙 求玉獲石非心所欲祝願不得

節 山崩谷絕大福盡歇涇渭失紀玉石既已

中孚 雜目惧怒不安其居散漫府藏无有利得

既濟 衆邪充側鳳凰折翼微子復比去其邦國

未濟 六月采芑征伐无道張仲季叔孝友飲酒離之坎

既濟之第六十三 身禍 既濟玄兔捐掌與足相視謹訊詰問証情自侶死誣難告口為

乾 游駒石門駮耳安全受福西隣歸隱玉泉

坤 陽春草生萬物風興君子所居禍災不到

屯 人无足法緩除才出雄走羊驚不失其家

蒙 太山止奔變見太傲陳吾廢忽作為禍患

需 乘龍光正使暗後明燎獵大得太師以昌

訟 羊頭兔足羸瘦少肉漏囊財粟利无所得渙之艮利之恒

師 因禍受福喜盈其室蟪蛄不作君无苛惑

比 舜升大禹石夷之野徵詣王闕拜治水土乾之中孚師之小畜兌之萃



小畜鳥子鵲雛常與母居俱顧類群族族不離其巢

獲夷羿所射筈輒有獲增加增倉鷹雙鳥俱得

泰晨風文翰太舉就温昧過我邑羿无所得小畜之萃大過之豫大壯之震

否六喜三福南至歡國與喜同樂嘉我潔德

同人闢龍股折日就遂明自外為主弟伐其兄

大有蒙慶受福有所獲得不利出域

謙垂夷戎狄太陰所積涸水返寒君子不存

豫畏昏潛處候時昭明卒遭白日為榮祿主

隨水流趨下欲至東海求我所有買鮪與鯉始之否損之需益之无妄

蠱冠帶南遊與福喜期微為嘉國釋為逢時

臨莎鷄振羽為季門戶新沐禪冠仲父悅喜

觀結袷流弼遭讒程桎周召述職身受大福

噬嗑田鼠野鷄意常欲逃拘制籠檻不得連搖夫之謙需之隨巽之隨

賁君華山巔遊觀浮雲有雨不濡心樂无憂

剝傾倚將顛乱不能存英雄作業家因无年

復心願所喜乃今逢時保我利福不離兵革无之蹇

无妄灵龜陸處盤桓失所阿衡退耕夏封於國

大畜弱水之右有西王母生不知老與天相保不利行旅

頤抱瑰求金日暮坐吟終身卒歲竟无成功

大過言笑未畢憂來暴卒身加楹攬囚繫縛束

坎望幸不至文章未成王子逐兔犬蹄不得未濟之无妄

離震懷恐懼多所畏忌行道留難不可以步

咸雄狐綏綏登山崔嵬昭告顯功大福允興

恒火起吾後喜炙我廡倉龍會水深溪吾柱雖憂无咎



遯 危坐至暮請求不得膏澤不降政戾民忒剝之順需之順漸之坎

大壯孟春和氣鷹隼搏擊衆雀夏墮

晉 緩法長奸不能理寃沉酒失節君受其患

明夷魚鼈貪餌死於網釣受危困寵為身殃咎

家人金精耀怒帶劍過午徘徊高原宿於山谷兩虎相距弓矢

滿野震之豫

睽 四目相望精近同光並坐鼓簧

蹇 茹芝餌黃飲酒玉漿與神流通長无憂凶

解 求樟嘉鄉惡蛇不行幽岐口還復反其床

損 天門地戶幽冥不觀不知所在觀又

益 跋足息肩有所忌難金城鐵郭以銅為閤藩屏息衛安止

无患遯之旅

夫 三雁俱飛欲歸稻池經涉山澤為矢所射傷我胃臆

始 濟深難渡濡我衣袴王子善灑决无他故

萃 飲酒醉飽跳趨爭鬪伯傷叔僵東家治喪此之鼎大畜之音益之蒙

升 跛躄未起失利後市蒙被殃咎不得鹿子

困 辰坎降婁建星中堅子无遠行外顛宵隔遂舍訖終

井 商風召寇來呼外盜間謀内應與我爭鬪殫已寶藏主人

革 甘露醴泉太平机関仁德感應歲樂民安

鼎 蔡仲子突要門逐魚禍起子傷弟伐其兄鄭文不昌

震 反孽難步留不及舍露宿澤陂亡其襦袴

艮 狼虎結謀相聚為保伺候牛羊病我商人

漸 明德克敏乘輿貢舉放勳御用人哲蒙佑



傷瓶毀罌

歸妹貧鬼守門日破我盆毀罌破甕空虛无子

損之剝

豐 天命赤烏與兵徵期征伐无道箕子數遊

旅 威約拘囚為人所誣臯陶平理剖械出牢脫歸家問

巽 羊驚虎狼聳耳群聚无益威彊為齒所傷

兌 初雖啼號後必慶咲光明照耀百嘉如意

渙 馬服長股宜行善市蒙祐諧耦獲金五倍

節 應門内崩誅賢殺暴上下咸懼景公失位長歸无恒望妻

不來

中孚執斧破新使媒和婦好合二姓親御斯酒色比毛媾姑悅

公喜小過之益

小過兩輪日轉南上大阪四馬共轅无有險難與禹咲言責之需

未濟千柱百梁終不傾僵周家寧康

未濟之第六十四

未濟志慢未習單酒糗脯數至神前欲求所願願及得大患

乾 且生夕死名曰嬰鬼不可得視渙之大過震之坤小畜之萃

坤 大步上車南到喜家送我孤裘與福喜來節之觀大過之困中孚之泰

屯 西多小星三五在東早夜晨行勞苦无功大過之夬

蒙 北陸藏冰君子心悲困於粒食鬼敬馬我門

需 山泉暴怒壞梁折柱稽難行旅留連愁苦

訟 比目四翼來安吾國福喜上堂與我同牀損之隨同人之克比之離

師 狡兔趨趨良犬逐咋雄雌爰爰為鷹所獲

比 增祿益福喜來入室解除憂惑

小畜騎龍乘鳳上見神公彭祖受刺王喬贊通巫成就位拜福

无窮家人之剝



復 天火卒起燒我旁里延及五家空盡已財  
泰 金帛黃寶宜與我市嫁娶有息利得萬倍  
否 鬼魅之居凶不可舍

同人 飛鳥逐兔各有畏惡鵙鷹為賊亂我室告  
大有 初雖驚惶後乃无傷受其福慶

謙 兩金相擊勇氣均敵日月鬪戰不破不缺

豫 曳綸河海掛釣魴鯉王孫利德以享仲發仲發一作

隨 犬畏虎狼依人作輔三夫執戟伏不敢起身安无咎

蠱 蜘蛛作網以伺行旅青蠅吮聚觸我羅城為網所得死於

網羅

臨 所均至在外鼎金方來拭爵滌罌炊食待之不為季憂  
觀 日月並居常信匪明高山崩顛丘陵為瘠瘠寒之咸

噬嗑 春服既成載華復生莖葉茂成盛實穗泥匕

賁 華首山頭仙道所遊利以居止長无咎憂

剝 三狐嗥哭自悲孤獨野无所由死于丘室

復 火中暑退求藿其食商人不至市空无有

无妄 獨立山顛求屨耕田草木不闕秋飢无年

大畜 火雖熾在吾後冠雖近在吾右身安吉不危殆歸妹之震

頤 齟齬謫謫貧鬼相責无有懼怡一日九結豐之音

大過 追亡逐北呼還幼叔至山而得反歸其室渙之臨需之渙

坎 銜命辱使不堪厥事遂墮落去更為斯吏

離 被珠銜玉沐浴仁德應聘唐国四門穆穆蠹賊不作凶惡

伏匿

咸 机関不便不能出言精誠適通為人所寃咸通道



恒 甕破缶缺南行亡失

逐 唇亡齒寒積日凌根朽不可用為身災患

大壯蒙惑憧憧不知西東魁罡指南告我失中利以宜止去國

憂患

晉 烏鴉搏翼以避陰賊盜伺二女賴厥生福旱災為疾君无

黍稷

明夷名成德就項領不試景公耄耄尼父避去

家人言與心詭西行東望鯨湮洪水佞賊為禍

睽 儉狃匪度治兵焦獲伐鎬及方與周爭疆无戎其駕衰及

夷王未句一作以安我王

蹇 三火起明雨滅其光高位疾顛驕恣誅傷

解 陰承川決水為五崇使我憤心毋樹泉麻居止凶殆

損 厭浥晨夜道多湛露沾我襦袴重難以步

大過之恒矣之損

夬 宜行賈市所求必倍載喜抱子與利為友

渙之旅豐之節屯之離

姤 陰變為陽女化為男治道得通君臣相承

淵蔽牡荆生蔚山旁仇敵皆憎孰肯相迎

萃 坐茵乘軒握德宰臣虞叔受命六合和親

雲興蔽日雨集草木年茂歲熟

困 播枝折枝與母別離絕不相知

井 天旱水涸枯槁无澤困于沙石未有所獲

革 圭璧琮璜執執見王百里甯戚應聘吞秦

鼎 龍渴求飲重魚景從河伯捧醴跪進酒將水流潦滂

震 震梅慶帝心思積憤乱我雲氣

渙之既濟隨之否

艮 鹿求其子虎廬之西唐伯季耳貪不我許



漸穿匏挹水簞搗鍊火勞瘦力竭飢渴為禍  
歸妹龍生馬淵壽考且神舍宿軒轅居樂常安  
豐 崔嵬北岳天神貴客溫仁正直主布恩德衣冠不已蒙受

天福

旅 鬼夜哭泣吞失其國為下所賊

巽 二政多門君失其權三家專制禍起李孫

兌 望幸不到文章未就王子逐兔大踣不得渙卦

渙 伯虎仲熊德義淵弘使布五教陰陽順序

節 兩足四翼飛入家國寧我伯姊與母相得

中孚春秋禱祝解禍除憂君无災咎

小過牧羊稻園聞虎喧謹畏懼悚息終无禍患剝之損井之否隨之漸

既濟大蛇巨魚相搏於郊君臣隔塞郭公出廬

易林下終

謹

序焦氏易林後

易有聖入之道四焉以言者尚其辭以動者尚其變以制器者尚其象以下筮者尚其占此四者皆變化之道神之所為也予讀焦氏易林演六十四卦為四千九十六卦而卦皆具夫辭變象占其意精而深其文簡而古真有以發義文周孔之所未發而開物成務通志定業斷疑之妙開卷具在予未仕時恒以不獲見恨及知武功對山先生出示予反覆誦味之餘因命梓之以博其傳而私識歲月於此嘉靖四年春二月廣安姜恩書

刊焦氏易林說

世之談易者每每以焦氏易林為占察變驗甚捷又恒以其書不多見為恨近得余鄉對山康公付武功令所刻本博覽者求相接踵日侍兵憲蓉川齊公值訊疑未決顧謂余曰發伏若焦延壽無



遁情矣余退而筮之得訟之隨云甲乙丙丁俱歸我底三五六子  
入門見母後五日獄得稽其日乃乙丑訟之者僅六人焉聞者愈  
神其書而索錄者弗絕於庭余遂翻刊用成欲與執疑之士適趨  
避之宜俾焦易秘久而弗傳者再為之一倡廣也  
嘉靖甲午仲夏之十日長安馬麟書



焦氏易林下卷終

題識

舊見沙隨程氏所紀紹興初諸公以易林筮時事奇驗求之歷  
年寶慶丁亥始得其書於莆田錄而藏之皆韻語古雅頗類左  
氏所載繇辭間嘗筮之亦驗獨恨多脫誤無他本是正嘉熙庚  
子自吳門歸雪川偶為鄉守王寺丞侑道之因以家藏本見假  
雖復多脫誤而因兩本參互相校十頗得八九於是兩家所藏  
皆成全書其間亦多重復或數及共一繇莫可措究校畢歸其  
書王氏而志其校正本末於此明年淳祐辛丑五月上浣直齋  
書

題焦氏易林後

易之道無所不該學者各得其一偏耳然皆不可語非易也易  
自夏商周已有三易其後連山歸藏不傳唯周易獨傳周易至



漢儒分而為三有田何易焦贛易費直易何之易傳自孔子分上下經以孔子所作為十傳而有章句贛之易專於占察易林之十六卷直之易長於卦筮無有章句徒以彖象文言等參入卦中以解經漢末田焦之學微絕而費氏獨存蓋費之後有鄭康成王弼華為之注故也宋程伊川據弼易為傳固出于費朱氏晦庵據呂伯恭古易為本義則本之田何於是田費之易皆盛行於世而贛獨不幸無傳者近于內閣閱書得易林觀其辭韻皆非後人所能到頗類左傳中所載繇辭因錄而藏之異日間有事以占亦未嘗不驗也然則贛之易豈無所本者耶惜乎末學淺識不能為之傳注使之盛行以為夫人之趨吉避凶一助也姑識之以俟能者

成化癸巳夏四月二十六日後學安城彭華識

余于數年前曾見吳叔卷臨校陸勅先校本易林而未後者後為袁壽階得去壽階又仿知盧學士抱經有臨校本並假歸傳之同人爭相傳之校究以未得陸校本為恨頃友人携枚庵家舊籍就售易林陸校本幸適在遂以白金三兩易之取勅傳錄幸多所是正真罕遇也是書共二冊余友顧千里云向為伊師張白華所校庵借而未歸後即遠出他出家中書籍散失殆盡故此書之遭其厄云甲子二月望日黃翁黃烈識

張白華先生余亦數與訪來有秘籍時亦假視時言及此冊遂詢所由來云此書係郡中老儒陳景元物老病臨終舉所抱書以贈其門人此書為程念鞠所得白華館于程溪溪念鞠乞歸假於吳枚庵因此枚散佚也今幸為余有當校刊行世此書之不泯沒也幸矣我己丑長夏復命又後

濮川漢氏序敏札記云取書而能討源流析異同斯難矣誠哉是言也是以舊鈔校本古今同責余友言黃芫翁家藏有校宋本易林兩冊心竊豔之託假再四始荷允許閱之係陸勅先前輩手書勅先嘗受家史錢氏校對之聘錢氏秘冊半出勅先手定其為人作據



者多此書乃其從其從兄借而校訂珍之行笈其所寶之知今將之  
載漫見於世奇書種子不致湮沒者必有神力護持余校閱  
與時本不全者千有餘處字句差謬者幾及萬言是書之可  
奚啻隋珠和璧蓋余自弱齡即好太乙奇書自韜鈴識緯之學故  
於秘典靡不極力購及每逢罕見僅聞者必得之而後已亦  
因校畢並錄勅克暨堯翁跋語首尾以誌無力刊刻公諸海內  
為恨平時而寓春莫之吉養恬吳晉德并書





